

ծանեաց զսա Մէլիք Սալահատուն ընդ Ռեմլէ քաղաքին , եւ զհոյակապ եկեղեցին Ս . Գէորգայ զօրավարին . և զմի մասն նորին կարգեաց 'ի մղկիթ այլազգեաց , և մնաց այն պէս կիսաւեր 'ի դարս և 'ի ժամանակս . և 'ի վերջին յաւուրս մեր Յոյնք զկնի բազմադիմի վիճմանց դատաստանաց ընդ Հատինս՝ հանեալ հրաման յՍտանեան դրանէ տիրեցին աւերակ մասին եկեղեցւոյն այնորիկ , եւ նորոգեալ ուղղեցին անդ սեղան պատարագի ( 1870 ) :

Գ Լ Ո Ւ Խ Ի Թ .

Սարգիս Պատրիարկ Երուսաղէմի : Գեաղան Վրաց : Խնդիր վանաց Ս . Յակոբայ : Վիլք և Հատինք : Տէր Սահակ և Տէր Յովնէի յատեանս Եղեղատի : Հրովարտակ Սուլթանին :

**Մ**ինջեի ցայս վայր ըստ կարի մերում գրեցաք փոքր 'ի շատէ զարչաւանաց եւ պատերազմաց զանազան ցեղից և սզգաց , զորս մղեցին 'ի Պաղեստին և 'ի սահմանս նորա , եւ բազում անգամ արեամբ ներկեցին զքարինս եւ զհողս Երուսաղէմի : Այս դաժանութիւնք և խժգժուիթիւնք առաւել եւս սաստկացան 'ի դարս Գրիստոնէութեան . առառութիւնք յափշտակութիւնք դերութիւնք եւ սպանութիւնք , և այլ սոցին նման տառապանք և հարածումն , զորս կրեցին քրիստոնէայք , աւերեցան և այլայլեցան Ս . տեղիքն , և կորուսին զառաջին պայծառութիւնս և զվայելչութիւնս իւրեանց . կործանեցան և եղծան 'ի բազմավիշտ վրանդս վանօրայք եւ եկեղեցիք , եւ բազումք եւս փոխեցան 'ի մղկիթ և յայլ իրս : Սոողանացաւ երկիրն եւ կորոյս զառաջին բարերերութիւն իւր յերեսաց ասպատակութեանց , զոր պարտաւոր էր քրտանց մշակին : Այլ դարձուցորք զբանս մեր յաղգային զէպս , որք միանգամ պատահեցան 'ի ժամանակս յայսոսիկ յԵրուսաղէմ 'ի կրօնաւորս և 'ի վանորոյս Հայոց 'ի դաւաճանութենէ եւ 'ի նենդութենէ , օտար սզգաց քրիստոնէայ անուանելոց , որք